

Javni poziv za dobijanje bespovratnih sredstava iz Challenge fonda



Privredni subjekti sa područja Bosne i Hercegovine i Švedske po šesti put mogu aplicirati za bespovratna sredstva iz Challenge fonda. Javni poziv otvoren je do 12. februara/veljače 2021. do 16:00 sati.

Raspoloživi fond za ovaj poziv je oko 420.000 EUR. Sredstva su namijenjena privrednim subjektima sa inovativnim idejama, proizvodima ili uslugama koje mogu dovesti do smanjenja nezaposlenosti, povećanja konkurentnosti i održivog društveno-ekonomskog razvoja u BiH.

Za potencijalne korisnike iz kategorije startup-a, koji su registrovani najmanje šest mjeseci, predviđen je maksimalni iznos granta do 10.000 eura, dok korisnici iz kategorije mikro, malih i srednjih preduzeća do 250 zaposlenih, koji obavljaju djelatnost duže od dvije godine, mogu računati na podršku u maksimalnom iznosu do 30.000 eura. Aplikanti moraju obezbijediti i minimalno vlastito učešće od 50% ukupne vrijednosti predloženog projekta, čija realizacija ne može biti kraća od 3 mjeseca niti duža od 6 mjeseci.

Sve pristigle prijave biće ocijenjene u skladu sa tri osnovna kriterijuma – inovativnost, izvodljivost i održivost poslovne ideje i društvena korist. Prilikom evaluacije, prednost imaju vlastite inovacije privrednih subjekata u odnosu na nabavku gotovog inovativnog rješenja proizvoda ili nabavljene tehnologije, koje će doprinijeti razvoju novog proizvoda, usluge ili procesa na tržištu, te imati širu društvenu korist.

Prijave na ovaj poziv moraju biti podnesene isključivo u elektronskoj formi na sajtu www.c2c.ba u skladu s uputstvima koja se nalaze u dokumentu Vodič/Smjernice za aplikante. Ovaj dokument je sastavni dio Aplikacionog paketa kojeg možete preuzeti na ovom [linku](#).

Za dodjelu bespovratnih sredstava iz Challenge fonda na prethodnih 5 poziva prijavljeno je 2574 aplikacija. Do sada je implementirano 89 projekata koji su podržani sa oko 1,816.000 eura, a u toku je implementacija još 70 projekata.

Ukupni raspoloživi Challenge fond je oko 3,9 miliona eura.

Challenge fond uspostavljen je u okviru projekta Challenge to Change koji finansijski podržava Švedska agencija za međunarodni razvoj i saradnju /Sida/, a provode ga Sarajevska regionalna razvojna agencija SERDA i [Razvojna agencija Republike Srpske](#). Partner u projektu je i region Ostergotland, Istočna Švedska.

U cilju što bolje informisanosti privrednih subjekata u BiH o mogućnostima za korištenje sredstava Challenge fonda, a uvažavajući aktuelnu epidemiološku situaciju, projektni tim organizovaće onlajn info sesije na kojima će predstaviti sve detalje javnog poziva.

Onlajn info sesije biće održane u sljedećim terminima:

22. januara 2021. u 11:00 sati

26. januara 2021. u 10:00 sati i 13:00 sati

27. januara 2021. u 12:00 sati

Zainteresovani privredni subjekti treba da se prijave za učešće na onlajn info sesijama putem ovog linka ili skeniranjem priloženog QR koda, najkasnije dan prije održavanja info sesije. Nakon toga, organizator će putem imejla poslati pristupne podatke za učešće na onlajn info sesiji.

Detaljne informacije o javnom pozivu potražite na: www.c2c.ba.

Challenge fond uspostavljen je u okviru projekta Challenge to Change koji finansijski podržava Švedska agencija za međunarodni razvoj i saradnju /Sida/, a provode ga Sarajevska regionalna razvojna agencija SERDA i Razvojna agencija Republike Srpske. Partner u projektu je i region Ostergotland, Istočna Švedska.